

甲戌嚴越訴誣告之罪

丙子開封汝陽蝗有禿鷲萬餘啄之盡命禁捕鷲

丁丑兵部右侍郎于謙內艱命奔喪赴任

己卯兗山東濟南災租三萬七十餘石

夜大星如椀赤光燭地自星宿流羽林軍

壬午鎮遠侯顧興祖成安侯郭晟永康侯徐安恭順侯吳克

忠駙馬都尉焦敬永順伯薛綬忠勇伯蔣信遂安伯陳瑄都


督李忠陳友吳克勤俱失朝奪歲俸

大星青白光晝流雲中

甲申浙江按察使司軒輓上四事曰求賢近薦舉懷才抱德  
賢良方正經明行修之士多權勢戚故經學不諳案牘未曉  
今後狗濫連坐其罪曰曠職浙江都司衛所官或二三日不  
至堂或至堂即回乞令巡按御史察詰曰明律曰私債 上  
悉行之

湖廣荊州知府劉永卒永字克脩江西大庾人進士自刑部  
郎出守愛民如子及沒郡人巷哭有古循吏風

直隸大名淫雨河決淹三百餘里壞私舍二萬餘區溺三千  
餘人命戶部遣官賑卹免租



七月乙酉朔遣視河間濟南東昌青兗寧夏水災

京師飛蝗蔽天

丙戌夜大星青白光自天津流至天市東垣

丁亥免陝西西安平涼夏稅屯糧三分之一

沙州衛鎖南奔等以屯先偽封祁王甘肅總兵官寧遠伯任

禮率兵抵罕東擒之上念其父兄忠順安置東昌衛

戊子徐承忠嗣魏國公徐顯忠弟

辛卯南京刑部右侍郎齊韶下獄南京水軍右衛指揮僉事

賈福以異姓陳珙爭襲賂韶右之大理寺少卿廖莊駁其獄

韶竟杖福而死事聞逮韶等下錦衣獄指揮馬順謂韶稱太

監王振鄉戚凌其部長淹囚歲死百二十餘人百戶史宣姪

女被內選偏為妻僭市永嘉大長公主卧床遂論死韶屢訴

卒棄市

壬辰京師南城妖人龔謙善媚術因禮部尚書胡濙脅賂事

發戍鉄嶺衛

癸巳巡按河南監察御史涂謙言竊見內外官初任之時莫


不砥礪束脩及得授方面知府歲不二三遂改度操往之累

及薦舉大臣誠以希厥初希望而後怠窳乞遵洪武永樂例

國權

正統十三年

十三



一從吏部選擇陞授或 皇上親擢任用從之遂罷大臣舉  
官例

丁酉免真定太平揚州災租二萬九千餘石  
戊戌寧夏久雨河決漢唐堤黑山營

丙午陝西行都司都指揮使毛哈刺為右軍都督僉事

已酉河決新鄉八柳村口漫流山東曹濮衝張秋潰沙灣經

東隄壞田廬無筭命工部右侍郎王永和治之

癸丑浙江左布政使孫原貞請益立義塚不果行

八月甲寅朔順天府通判沙安為治中

乙卯遣視鳳陽徽州水災

福建盜起沙縣鄧茂七初自建昌亡命入閩巡按御史柳華

患盜檄鄉各立隘門望樓十五其民茂七推擇為長雄于鄉

閩佃輸粟主家餽少物茂七令毋餽而田主自往受粟主家


訟之不受逮格殺吏卒攻掠沙尤二縣殺千戶楊琮擄千戶

張能劫上杭烏合數萬僭號閩王署官屬尤溪爐主蔣福成

又應之閩大振延平衛千戶張聰指揮僉事范真叅議金敬

副使邵宏譽各往勦不克茂七攻沙縣執致仕令廖文昌拜

以為帥文昌大罵死之文昌由貢士拜御史巡兩廣會蠻亂



貶星子典史遷東阿知縣

戊午夜大星青白光燭地自天紀流梗河

已未免應天鎮江松江蘇常去年災租十五萬四千七

百餘

庚申進士沈紀監生王晉包瑛為廣西貴州浙江道御史

辛酉免磁州涉縣逃租

昏刻大星自大角流雲中

甲子鄧茂七攻延平巡按監察御史張梅參議金敬等登城

諭之有緋衣賊曰我曹苦富民魚肉有司不我直耳如朝廷

宥我且立散乞免徭三年都指揮范真等戰于城外先登舟

衆遂潰真與指揮彭璽等俱死都指揮同知雍堃隱其敗云

真夜行而溺

丙寅太常寺少卿兼翰林院侍書程南雲為寺卿仍內直


已巳浙江温州推官為廣東按察僉事

翰林院脩撰許彬父喪命奔喪仍習譯

夜月犯外屏西星

辛未杭州知府高安言歲課鈔十萬六千八十貫有奇或年


久店絕容補其新者上從之命戶部布其令于天下



甲戌秦府宜川王志堦薨年二十九謚莊靖  
命監察御史丁瑄撫鄧七又左軍左都督劉聚往勸右僉都  
御史張楷監其軍 上才楷得用鼓吹導騎出都門文武大  
臣祖餞丁瑄諭茂七不聽曰吾取延平據建寧塞二關傳檄  
南下八閩誰敢難焉都指揮張 劉 等以四千人道雙溪  
隘甚賊伏三千人村舍伺兵行盡兩將殿後猝舉排柵塞道  
前驅不可返遂殺將吏我師潰

丙子罷各部郎中負外九載會考之制從吏部都察院考覈  
辛巳禮部左侍郎兼翰林院侍講學士王英為南京禮部尚

書翰林侍講王一亨為禮侍右侍郎  
巡撫大同宣府右副都御史羅亨信奏塞卒勞邊歲無寧日  
餘丁無他生業惟事田作而已今計一歲得盡力南畝者十  
無八九蓋每歲正塞卒候接北使臣二月出境三月始得  
就田七月又復採草八月以後修閘備邊十月又將迎接使  
臣矣邊地沙鹺磽瘠霜早雨遲收穫甚薄聽之自食猶慮不  
足若徵其稅必致逃竄昔 太宗皇帝時詔關邊土者無徵  
皇上初年亦有是命今大同宣府所有新闢田地戶部遣官  
經量人除八十畝外餘地每畝徵稅五升臣竊謂為戶部者



但知積粟寔邊孰知守邊在人人心不固誰與共守乞罷其役  
上嘉納之

壬午廣東布政使左叅政王來為河南左布政使王來為

占城國王姪摩訶貴來貢舞象

同州知州秦銘請州學四年三貢從之

九月乙酉進士應顯李梁為監察御史

丙戌廣西道監察御史王永壽為工部右侍郎

賜寧遠伯任禮世券以捕沙州部落功

丁亥寧夏守備都指揮同知張泰為右軍都督僉事征西將

軍總兵官鎮守寧夏召寧夏總兵官都督同知黃真年老回

曉刺土星犯靈臺星

戊子兵部言正統十三年四月前中外衛所冊報清軍共六

十六萬六千八百有奇今御史盛琦等僅清出六萬一千二

百人餘分十次遞報從之

晉府永和王美塢蒸庶母白氏生子詭云宮人出請名鍾鏐

亂其女弟縱衛卒奸宮人翠兒死弟鎮國將軍美埤奏之召


鞠俱寔詔廢美塢為庶人錮京師

選浙江江西卒各三千人委都指揮征鄧茂七

國權

正統十三年

七



內使金榮等三人走密雲南為僧緝獲誅之

癸巳左副都御史張琦卒

琦孟縣人進士授交趾道監察御史歷任工部左右侍郎賜祭塋

甲午江西新城縣疫

夜大星犯狗星

丁酉故代世子遜熾追封代王謚悼戾

戊戌寧王權薨王母楊妃洪武二十四年封大寧古會州也

東連遼左西接宣府為要鎮王所統邊城九十帶甲八萬草

車六千諸胡騎若彘顏諸夷皆驍勇善戰靖難初燕王從千

餘騎直趨大寧以王還北平王善謀陰劫之而西後封南

昌邑人告王誹謗巫蠱事竟已自是不敢有求請覆殿瓠

用瓦而已不琉璃而構精廬一區蒔花藝竹鼓琴讀書其間

用是得終仁宣時王自謂尊叔父數有請然數見拒他日

求鉄笛宣宗曰笛滌也予之王白皙美髯負氣好奇嗜學


博古自其童時自稱大明奇士晚號癯仙弘獎風流儒雅之


士並得游從著通鑑博論家訓國範天運紹統錄醫卜脩煉

琴奕諸書手作博山爐古瓦研皆極工年七十一謚曰獻

巡按福建監察御史張梅奏賊延平乞降狀上許之免徭

三年諭兵部遣錦衣千戶劉壽貸賊招撫





庚子諭禮部曰聞內外官有事至王府者多方需索致其窘  
迫自今止許禮待酒饌勿與餘物三司並巡按御史體寔來  
聞犯者悉論死全家成邊三司御史知而容隱者重治之

辛丑江西安寧都縣大雨水

壬寅浙江長興縣丞郭臻為知縣

夜月犯五諸侯北星

甲辰復王玉山西翼城主簿

十月乙卯復田玉浙江桐鄉知縣

司牧監太監吳亮請老從子江應錦衣衛千戶

少監林壽賈勅諭甘肅總兵官任禮王敬王喜劉法貴都御

史馬昂等整兵備

丙辰曉刺水星犯亢宿

丁巳大興隆寺成

禮部儀制司帶俸郎中胡種以妻凌其妾被訐下獄成邊

戊午免山東兗州逃租萬三千九百五十餘石免安徽池州

災租四萬七千七十餘石

庚申工部右侍郎王佑免佑進士授武選主事父事太監王

振擢侍郎佑美姿貌不鬚振嘗曰侍郎何無鬚佑曰大人不



鬚兒何敢有貪淫不檢夤緣奪情權貴厭之欲調外引疾乞  
骸去

夜月犯壘壁陣

辛酉遣北瓦刺太尉完者帖木兒平章烏馬兒來朝太監劉

增迎勞之

壬戌夜大星青白光自天津流漸臺三小星隨之

乙丑行人顧睢為福建道御史

免安慶去年災租八萬二千八百六十餘石

丁卯夜月犯昴宿

己巳雜谷安撫使阿深妾毒夫及子死賂威州千戶唐泰欲  
從銅門山西羅朴頭開道通貢乞官軍逐日於駐巡按御史  
張洪以開下鎮守右僉都御史寇深等議之

辛未夜大星赤光自鬼宿流翼


甲戌許陝西沿邊納草贖罪


乙亥命巡河官三年更代

丙子命刑部右侍郎楊寧往江西大理寺少卿張驥往浙江

撫安人民練兵勦寇

巡按廣東監察御史楊剛等言嶺南被寇多因有司撫寧失





宜令廣東都司經歷司都事鄧敏布政司廣豐庫大使周剛  
南海縣典史楊傑皆通練有斷乞署敏于化州剛于瀧水傑  
于新會俾展所長庶未察政奮罷民蘇醒上悉從之  
夜大星青白光自五車流五諸侯

已卯疏山西凍水河

庚辰減安慶寧國徽揚淮安鳳陽災租

調京營兵二萬征鄧茂七

辛巳徵浙江漕卒二萬人江西漕卒七千人總兵官寧陽侯

陳懋領之征鄧茂七

十一月癸未朔廣東署都指揮僉事王清守備雷廉高肇  
頒歷夏冬至晝夜各六十一刻翰林編修岳正曰求諸古歷  
家無有也以私智揆之國其搖乎

甲申淮府鄱陽王祁鏞薨年十八謚懷僖

乙酉唐世子芝壩薨年十五謚悼簡

浙江嘉興知府黃懋為福建左布政使

丙戌寧陽侯陳懋為征夷將軍總兵官保定伯梁瑄平江伯  
陳豫為左右副總兵都督僉事范雄董興為左右叅將刑部  
尚書金濂叅贊軍務統京營江浙兵南征太監曹吉祥王瑾

提督五軍神機銃砲

丁亥起復陝西鳳翔知府扈暹

免甘肅通渭平涼華亭災租

戊子命福建秋糧俱資餉仍運廣東折銀給之

己丑鄧茂七謀攻建寧下福州諭所司備之

夜月犯壘壁陣

庚寅瓦剌也先益糾結諸胡貽書兀良哈曰爾祖父皆元成

吉思可汗薛禪可汗所授官俱宜供頓過軍兀良哈以聞勅

成吉思者元太祖薛禪者元世祖也勅諭兀者等衛都督刺

塔別里格等曰卜以元成吉思薛禪可汗事誘尔元亡百餘

年子孫奔竄被害今其首領冒稱脇部屬耳部屬尚不信服

况欲遠方之別類乎尔女直野人自國初設衛授官毋受其

誑


壬辰夜大星青白光自五車流中台

癸巳盜劫廣東陽春縣

乙未免四川鞏昌臨洮災租

丙申昏刻月犯五車

辛丑故唐世子芝孀妃胡氏自經事聞謚肅貞



壬寅迤北瓦剌脫不花王并太師也先貢馬

癸卯進士陳璫錢昕監生柳春白仲賢馮節鄧洪為御史

甲辰浙江處州賊葉宗留偽稱大王流劫金華武義崇安建陽鉛山諸縣初處州多鑛盜慶元葉宗留以鑛微遂鼓衆自浦城縱掠建陽無賴麀集閩浙道梗

乙巳罷懷來懷安龍門等縣儒學極邊武生乏人也


丙午量賑福建汀漳建寧興化延平災民

四川雜谷安撫司番僧南哥藏等貢刀劍鉄甲舊賜鈔六十錠幣二雙折衣綵幣四雙靴鞵各一近例過厚部議如舊南

哥藏不肯拜賜命罷賞銅之會同館

逮廣東按察使黃翰左叅政楊信民下獄初信民承平久禁網疎濶仕嶺外者黷貨殃民信民至廉潔寬大暇步衢市問民所苦有以公事至而無罪者輒言按察使縱遣之按察使郭智不發法信民劾去之及黃翰受賂使酒奪人妻妾又復劾之詞連僉事韋廣先入朝下獄廣許信民作威放囚玩寇失城並逮臨去民爭擲翰舟瓦石以金帛贖信民不受丁未免福建沙尤二縣鉄課

庚戌永康侯徐安總督山東海上備倭安鄉伯張安鎮守高



廉雷肇

會同館貢夷闌出毆人命都指揮昌英杖其人命宴賜後例  
互市五日著為令

壬子復程忠江南淮安府同知食四品俸

除鎮江寧國廣德滁宣長州等衛災糧

前錦衣衛指揮僉事向容王裕卒諭祭

十二月癸丑朔旦大星青白光自西南流近濁

乙卯夜大星青白光自天困流近濁

丙辰右副都御史丁璿致仕

戊午葉宗留自福建桐木關至祝公橋拒鉛山官兵時張楷

南征至廣信以宗留阻浙未即進巡按御史韓雍請移兵先

擊宗留為便楷命指揮戴禮以五百人往命指揮劉得新自

建昌會于邵武楷自浙入戴禮擊賊黃柏舖殺傷相當宗留


中流矢死官軍勿知也葉希八率餘眾屯車盤嶺都督僉事

陳榮以二千人合戴禮搜山至玉山中伏榮及指揮劉真等

皆死張楷闖道入閩葉希八焚浦城還龍泉眾數萬人屯雲

和麗水楊陶得二陳鑑湖俱率眾從之

庚申福建寧知府張瑛為福建布政使右叅政署府事鄧



以二千餘人攻寧建瑛率建安典史鄭烈鄉勇吳保等合都  
指揮徐信兵分道乘霧襲斬五百餘拔其寨故有是命烈進  
主簿保授巡檢  
禮部言山西行都司都指揮馬義鎮守居庸關署都指揮僉  
事李景俱報迤北瓦剌及回、等貢使共三千五百九十八  
人支給今會同館覈脫、不花王使臣止四百十四人七先  
使臣止一千三百五十八人回、止七百五十二人計少一  
千七百人命下馬義巡按御史治如律  
辛酉陝西甘州中獲衛軍餘段興以段干木後乞往安邑脩

祠許之

壬戌陝西布政使右叅議柴重除喪三年方謁選成鈇嶺衛

甲子禁各王府為外戚求職

賑山東濮州水災

乙丑順天宋丞相文天祥祠像儒士改塑丞相冠服


南京監察御史葛崇先自朝回道娶妾尋坐事成鈇嶺衛

己巳翰林院編脩趙恢為侍講

總兵官左都督劉聚等敗鄧茂七于建陽斬二千餘級

道始通

減處州今冬明春銀課之半



庚午廣東山賊趙普旺等偽稱天寶將軍劫瀧水電白二縣

辛未鴻臚寺卿楊善為禮部左侍郎仍署寺事

壬申免江南如皋縣災租

甲戌瓦剌使臣都指揮使察占為都督僉事

初哈密忠順王倒瓦荅失里以也先召其母不敢往 上勅

勞之至是聞其五月親往瓦剌七月還勅讓焉

乙亥許錦衣衛帶俸指揮僉事郭登世襲登自陳宿衛及麓

川功

丙子前右副都御史丁璿卒璿上元人永樂甲申進士選館

授工部主事坐戍潞河十年起山西道御史按湖廣陝西使

雲南進左僉都御史督儲宣大又往視麓川巡撫雲南事平

進左副都御史致仕仁恕孝友歷官俱有聲績賜祭葬


庚辰增浙江麗水等縣丞專撫民行保甲法

是年貴州叛苗圍興隆清平平越等衛而平越尤急或以無

積貯欲委棄賊巡按監察御史黃鎬不可曰平越貴州之咽喉

無平越是無貴州也乃集眾固守九閱月至掘鼠羅雀而

亡叛志會援兵至始解



正統十四年己巳  
 正月癸未處州盜五百餘人自永豐流劫遂昌殺指揮龔禮巡  
 按浙江監察御史李俊乞移閩兵勦賊命巡撫浙江少卿張  
 驥先徵各衛兵及民兵往勦  
 甲申江西龍南盜起  
 丁亥夜金星犯壘壁陣東星  
 已丑指揮吳良千戶紀信賈金帛勞瓦刺也先

國權

正統十四年己巳

鹽官設遷孺木著

正統十四年己巳

正月癸未處州盜五百餘人自永豐流劫遂昌殺指揮龔禮巡

按浙江監察御史李俊乞移閩兵勦賊命巡撫浙江少卿張

驥先徵各衛兵及民兵往勦


甲申江西龍南盜起

丁亥夜金星犯壘壁陣東星

已丑指揮吳良千戶紀信賈金帛勞瓦刺也先


國權 正統十四年

一



國家圖書館, NATIONAL CENTRAL LIBRARY, TAIWAN, R.O.C.





辛卯瀧水縣徭賊出掠民居

瓦刺使臣指揮使昂克為都指揮僉事

夜月暈色黃赤五車參畢井俱暈內復生左右珥白虹貫之

甲午上南郊

乙未蠲平度州戶口食鹽布

五丙申夜月當食不食

五勅左都督劉聚滅閩賊後移兵討浙賊

曉刻木星犯房宿

丁酉夜月犯靈臺中星

戊戌河決山東聊城命工部右侍郎王永和築之

已亥總督獨石永寧等處守備署都指揮僉事楊俊為都指

揮僉事

命畿內山東河南有司捕蝗種

庚子巡按貴州監察御史陳鎰為雲南布政司右叅議往騰

衝招撫思机發

夜大星如椀青白光燭地自郎將流大角旁

辛丑巡按福建監察御史汪澄失事下獄

沙縣賊林宗政等萬餘人攻後坪延平通判倪冕南平縣丞

國權


正統十四年

二

李茂先設木石都指揮雍楚等預伏邀擊敗之斬二百餘級  
擒渠帥陳阿岩

壬寅定西侯蔣貴卒貴江南江都人偉力善騎射從靖難歷  
指揮同知從征南北累功宣德初以叅將征松潘進都指揮  
同知鎮密雲松潘平羌功進都督僉事副總兵歷都督同知  
平蠻將軍正統初進右都督拜平江將軍往甘肅勦平朵兒  
只伯大破之封伯七年平麓川進侯其為將同士卒甘苦臨  
敵輒當先故戰必先懼憚之筭惟儒臣是命追封涇國公賜  
祭塋

乙巳暫停浙江福建銀課  
戊子起復上元知縣姜德政  
己酉迤北瓦剌使回上致可汗書并諭太師也先詰所貽  
兀良哈書不報故事使歸我使送之因留明歲與俱來  
時要索中國貴無有者使者輒許以媚又往出好語迎  
中之也先奏胡樂使者曰安能及漢伎也它日請賜若也先  
因請婚使者諾吾為若奏上美矣也先大喜夸示諸前貢  
馬報使三千人上答詔不及婚事禮部復不盡予三千人  
餼予之物不及所請五之一大媿怒



庚戌留浙江江西漕米四十一萬石餉福建

辛亥免大名河間開封災租

貸高郵慶都飢民粟

貴州布政使左叅議顧巡視民瘼從各長官司之請

理專

太白晝見

二月癸丑夜大星青白光燭地流雲中

甲寅初赤斤蒙古衛都指揮總兒加陸指揮寫帖兒鎖南卜

等糾罕東衛都指揮阿黑巴等乘哈密使臣脫、不花等還

苦峪城以千餘人圍之遂勅諭赤斤蒙古衛都督僉事阿速

等罕東衛都指揮同知賞卜兒加等

免順天山東災糧十八萬五千七百餘石

太監阮安陳鼎巡視通州至南京漕路

丙辰夜月犯昴宿又夜大星青白光燭地流雲中


丁巳湖廣妖賊蔡妙光攻破龍南縣

巡按福建監察御史丁瑄率指揮劉福擊鄧茂七于延平斬

之時沙縣羅汝先誘賊復攻延平督都僉事劉得新軍城北

設伏溪側賊南渡伏發殺數百人賊大潰茂七中流矢死茂

七兄子伯孫主其軍寧陽侯陳懋未至



戊午昏刺大星青白光自屏星流近濁

已未作鹵簿大駕

庚申命劉聚等合江浙福建之師勦處州賊初賊自松溪縣  
攻掠浦城等縣

辛酉通政司右通政王錫致任

徵魯府護衛軍七百人協治沙灣 夜月犯鬼宿

癸亥戶部請市監釐染官庫布帛不許命俟官釐

乙丑裁大同通判應州同知蔚州朔州判官大同縣丞各一  
忠義前衛舍人

丙寅故兵部尚書徐晞孫世英為中書舍人

增山西晉州判官專理柴炭

禁邊衛僭服麟獅虎豹犀海馬及秃袖夷帽

丁卯南京吏部左侍郎魏驥為尚書


遼東總兵官右都督曹義等追 鴉鵠翁擒男婦六十人賞

賚有差

戊辰以御史楊剛言開詔必遣行人如乏員方遣進士進士

乏員遣本衙門官從之

己巳總督雲南軍務兵部尚書靖遠伯王驥總兵官都督同




知宮聚左右副總兵都督僉事張軌田禮左右叅將都督僉  
事方瑛指揮同知張銳侍郎侯璉等自騰衝衛進兵航千崖  
至南牙山登陸抵沙壩復航金沙江達嶺思机發拒于西岸  
官軍順流至管屯遠木邦緬甸夷兵數萬協攻斬數百級得  
穀四十餘萬石賊營鬼哭山各三寨又承以七寨亘百餘里  
每寨列柵二上懸大木石我克其左寨乘風縱火大破之思  
机發遁 上賜勅獎諭命驥聚軌禮回京瑛留雲南克右叅  
將銳回貴州都司璉留雲南贊理軍務勅緬甸宣慰使卜刺  
浪馬哈省以速刺治孟養緝捕思机發等時大軍踰孟養至

孟那孟養距麓川千餘里諸夷震怖

高岱曰麓川之役所謂輕病而重療也遐僻小夷稱亂戕  
殺縱欲問罪付之沐晟足辦矣乃至廷議遣將節制不專  
而致潞江之敗既敗則晟為罪魁釋不問足矣而追封王  
爵何為哉王驥傾國家之力集數鎮之兵而先後十年之  
久卒不能殲殄渠魁竟從姑息得免于罪幸也何至裂茅  
土哉向如劉球言移此力經略西北已巳之變必有以禦  
之者窮疥癬之拒搔而耗腹心之元氣安得不敗乎

嚴從簡曰清苑縣志田禮字思敬廕保定中衛指揮僉事



幼有大志既長以名節自期練達老成諳悉兵法同王驥  
討孟養生擒其子思机發則思机發又是被擒者此言死  
于亂兵何也

戶部右侍郎儲懋往福建理軍餉  
辛未以麓川平告于天地宗廟  
錦衣衛指揮使徐恭濟陽衛指揮同知孫鐘俱為都指揮僉  
事和陽衛署都指揮僉事陶瑾寶授都指揮僉事恭充總兵  
官鐘瑾充左右叅將工部尚書石璞贊叅軍務率浙江官軍  
民兵討葉宗留備倭署都指揮僉事脫綱率千人聽節制

乙亥翰林院編脩倪謙為侍讀劉定之服闋補編脩

進士劉璉為刑科給事中


鎮守遼東總兵官右都督曹義等出廣寧塞斬一擒男婦  
五十人

浙江右叅議耿定僉事王晟台州衛千戶楊清等以四千人  
擊麗水賊俱敗沒賊遂攻處州聲言趨金華命兵部檄諭各

官固守

王晟山東鄆城人正統丙辰進士後贈叅政廕監

田汝成曰浙有三臺臣藩臬諸司乃惴惴以櫻城固守為  
才一出戰即駢首就膠不知藩垣屏翰之寄當如是乎嗚



呼孔子曰才難不其然乎

令沙縣賊屬俱戍南京

夜木星退犯房宿

戊寅命兵部重定內外官皂隸等額

賑 蕪水縣飢

夜大星青白光自翼宿流近濁

已卯行人張諫為福建道御史

福建流賊掠江西寧都縣泰和奸民亦效之命刑部右侍郎

福寧等勦捕

賑安徽巢縣饑

庚辰夜金星犯火星

是月貴州印水苗賊陷思州府爛土凱口苗賊攻都勻城官

軍卻之草塘苗龍惟保陷石阡府殺知府胡信信江西廬陵

人事不以聞

三月辛巳朔琉球國中山王尚思達入貢

福建尤溪賊鄭永祖以四千人攻延平府都指揮雍堃蔣貴


等敗擒之

壬午處州賊犯江西廣信境永豐知縣樂昌鄧顯虎之時賊

國權

正統十四年

八



侵上饒黜奉張楷檄禦郤之賊大至或勸其走不聽遂被執  
不屈罵賊死時已陞僉事未行事聞賜塋給布六十端米三  
十石贈光祿寺少卿謚忠毅鄧顒壬戌進士兼其孫貴  
南京大理寺丞陳勉內艱命奔喪赴任  
癸未勅湖廣左布政使馬謹御史侯爵招諭靖州衛洞苗  
起復山西蒲州知州張廉總兵官寧陽侯陳懋趨建寧伯孫邀絕餉道左副總兵保鄧  
定伯梁瑤擊斬九百餘級擒七十餘人賊潰幕府頒賞格能  
擒斬其黨與斬敵同功自是擒斬而降者日衆

勅貴州左都督劉聚右僉都御史張楷怯賊負託其勉力後  
效自贖

初戶部尚書王佐等以畿內河南山東水旱改通州秋草飼  
馬御馬監丞李保住劾佐及內官阮忠侍郎張睿等紊舊制  
至是議罪宥之

乙酉光祿寺丞昌泰為少卿

丁亥指揮同知劉福為指揮使官軍鄧子勝為所鎮撫降賊


羅汝先為沙縣丞黃琴為建安主簿

都指揮同知胡麒鎮守肅州

國權

正統十四年

九





戊子 上發京師

庚寅 上展祭三陵昌平人獻牛馬羊命羊馬給賞還牛耕

賜鈔三錠

遼東總兵官右都督曹義等巡邊至廣平山擒 五十九人

斬首一太監楊宣擒六十人俱械入京

辛卯湖廣叅將都指揮僉事張喜率兵勦五開苗賊及廣西

撞蠻命廣西總兵官安遠侯柳溥貴州叅將都指揮同知郭

瑛各率兵助之

癸巳上回京

海寇泊福建鎮海衛攻立鍾千戶所禦卻之

江西龍南縣賊蔡妙光為縣吏楊伯顯劉興老人徐志能等

率民兵捕之走始興縣被誅授伯顯興巡檢志能副巡檢

工部右侍郎王永和奏治河事宜先是沙灣之役永和以冬

寒遽停工又以決自河南宜勅彼共事 上切責之至是言

黑陽山西灣已通水從泰通等資運河東昌則置分水閘設

三空泄水入大清河歸于海八柳樹工猶未可用沙灣堤宜


時啟分水二空瀉上流庶可亡後患從之仍戒永和速之

丁酉榜諭處州賊

國權

正統十四年

十



梟思机發鄧茂七于京城

已亥徵直隸浙江馬草銀如不願銀者聽納草

辛丑諭吏部禁約内外官

浙江平陽縣賊千餘人殺温州衛指揮劉安

免陝西行都司定租

誅處州賊偽指揮趙滿等于市三日

癸卯令江西浙江人明年漕北京暫休吏卒

甲辰福建賊流劫江西贛州境攻破瑞金劫廣昌石城

已酉處州賊陳鑑湖破松陽龍泉二縣劫青田諸縣自號太

平國王改泰定元年

四月辛亥處州賊陳鑑湖掠崇安等縣殺都指揮吳剛等

夜大星如椀黃赤光燭地自氐宿流角

壬子四川播州宣慰司楊綱致仕子輝嗣

命靖遠伯王驥旋師沿途相機勦殺湖貴苗賊暫屯武昌徐

入京時貴州苗叛攻靖州臨平越衛黃平所思南府貴陽東

道梗驥等還師所至人泣陳苗害皆曰吾征麓川非征苗也


違之苗前後截我軍死數萬張軌等僅以身免

郭子章曰靖邊三征麓川滇人不能無怨至謂貴苗因之

國權

正統十四年


土



以叛如天順日錄所云則恐未然也貴中苗禍何代無之  
自靖遠以後如銅仁米魯爐山凱口播州皮林六大役不  
在麓川下豈靖遠之尤耶嗟乎大臣不為國任事則天子  
怨為國任事則邊人怨白起不行而杜郵之劍賜姜維屢  
出而仇國之議起故為邊臣者亦難矣  
逮湖廣提學僉事楊經三歲試士不徧屬縣也  
昏刻月犯金星  
甲寅浙江遂昌縣賊蘇牙俞伯通等攻蘭谿之蘇村金華縣  
知府石瑁等擒斬之

丁巳福寧流賊犯平陽縣攻蒲門千戶所禦卻之  
戊午提督遼東軍務右都御史王翹為左都御史總兵官右  
都督曹義為左都督左右叅將都指揮使胡源劉端為都督  
僉事守備都督同知焦禮施聚為右都督右副都御史李純  
為左副都御史  
司禮監內使邵<sup>智</sup>聰私寬東城兵馬司指揮范質之枷命斬  
智聰不復奏

庚申命崇信伯費釗刑部右侍郎薛希璉鎮守福建新寧伯  
譚璟大理寺右少卿張驥鎮守浙江



昏刺金星犯井宿

壬戌苗薄貴州勅王驥率湖貴兵勦之

癸亥免山東濟南東昌史租十八萬七千一百七十餘石

疏安徽和州姥鎮河張家溝

乙丑復楊禧慶遠知府食正三品俸

遣監察御史李俊等同內使開辦浙江福建銀場

以哈密累誘瓦剌掠沙州罕東等衛勅甘肅總兵官寧遠伯

任禮等遣使責還之

福建賊平鄧伯孫屯後洋官軍稍擒斬漸有降者或言尤溪

山賊可撫而下也千戶龔遂榮駙丞周鑄請行賊驍將張留

孫遂榮遣之書而故致之伯孫所伯孫疑而殺留孫賊人人

自疑來降伯孫竟敗被執妖婦廖氏號女將軍捕誅之左都

督劉聚等兵至南平順昌甌寧擒餘黨六十二人斬首無筭


縣人復業者五千六百九十七戶二萬三千六百六十八人

令劉聚等聞賊平即回討處州賊

高岱曰茂七狂監子耳遂至屠城邑亂八閩豈其勢果難

制哉閩中武備久弛兵紀不嚴將權不重既不能慎萌孽

而扑之于始發又不能振兵威而遏之于既逞况朝廷遣



將事權多中制張楷輩勉効馳驅而師老寇玩雖卒戡定  
生民荼毒甚矣金濂之出值寇勢已衰扑滅餘燼未可言  
功也是役也幸其誅茂七猶在也已巳二月間使更數月  
未燼則朝廷有土木之難不暇南顧矣不將有尉佗之憂  
耶然豈非天幸哉

丙寅金吾右衛帶俸都指揮僉事孫斌鎮守居庸關

東莞人鄧恭言七事曰欽州衣服語音類交趾乞遣官變其  
俗曰免廣東重囚戍欽廉曰中益欽州曰邊海義倉移城內  
絕盜心曰南雄南安二千戶所宜積儲十年曰加脩清遠韶

州城曰丈量韶州土田定賦額 上從之

夜月犯心宿


丁卯大理寺左寺丞李奎巡撫河間南及真定保定順德河  
間吏部右侍郎趙新巡撫山東及鳳陽淮安廬州揚州以賑  
失業之民

戊辰處州賊陳鑑湖屯金公巖分劫義烏武義東陽

庚午進士王璧羅俊張瑩朱永寧程昊李玘倪敬謝騫徐溥

楊宜吳淳王常李本道沈義沈宗戴昂黃溥葉亮普王豪桂

怡朱瑄邢宥楊文琳陳璘陸阜楊敷余復黃譽為兩京監察



御史

貴州鎮遠苗作亂命靖遠伯王驥總兵官宮聚等同都指揮同知郭瑛張善分勦

辛未大同左叅將都督僉事石亨備禦署都督僉事卜馬麟巡邊至箭豁山各值下敗之擒四十六人斬四級尋召麟還京實授都督僉事

福建左布政使宋彰乞刊行將門八寶箴勵武臣禮部駁其俚淺且罪彰溺職俟賊平逮治從之  
禮部請故中軍都督僉事陳榮祭塋上以覆師不許

壬申久不雨遣告于天地百神

癸酉秦府興平王尚坻薨年六十一謚恭靖

陝西按察使鄧榮為右副都御史

海寇陳萬寧攻破廣東潮陽縣殺主簿鄧選

甲戌諭禮部試僧道然後給牒

丙子廣西總兵官安遠侯柳溥以都指揮孫麟等往懷遠過

清浪鎮遠叛苗


丁丑廣東都司獄逸百七十人命逮都指揮僉事姚麟

戊寅閩賊二千餘人攻廣東海陽縣官兵擊卻之

國權

正統十四年

五



已卯以福建沙縣賊陳政景等攻汀州命總兵官寧陽侯陳懋援之

五月庚辰朔福建都指揮僉事鄧安等奏前巡按御史柳華擅置村樓給兵仗之罪時華遷山東按察副使卒詔籍其家妻女入浣衣局男戍鉄嶺衛

辛巳江西建昌府推官黎忠為知府閩寇始獗郡人亦多嘯聚忠悉力撫捕遠闕守從郡人之請

錦衣衛帶俸署指揮同知牛循指揮僉事郭登王英府軍前衛指揮使過興騰驤右衛指揮使馮洪金吾右衛指揮同知

方善俱為署都指揮僉事

順天永平蝗命捕之


壬午逮福建都指揮僉事鄧安初盜千餘人臨源縣及延

亭巡檢司官軍殲焉

癸未昏刻月食金星

甲申賊圍汀州都指揮僉事馬雄按察僉事况真等擊敗之知府劉能推官王得仁又伏兵邀賊歸路擒陳政景等八十四人

丙戌總兵官寧陽侯陳懋破沙縣陳山寨獲鄧茂七家屬并



偽都督黃宗富等百五十五人按察副使邵宏譽等擒偽官五十七人

免山東濮州屯糧萬五千一百六十餘石

丁亥夜金星犯鬼宿

戊子責廣東巡按御史同布政使揭稽往潮州勦賊

己丑封季埒壽昌王豪塚應山王

麗水縣丞丁寧以老人王世昌等入賊巢招陳鑑湖等出官追還所掠人口命進丁寧處州府同知世昌等授巡檢仍勞十金九招賊者賞如之

辛卯復姚文江西袁州知府食正三品俸

壬辰大理寺卿俞士悅等以久旱請清獄從之命太監金英同法司會訊釋內外輕繫


甲午天津武清二衛屯地鈔改徵米

增神機營餘丁月餉三斗

丙申命鎮守福建浙江刑部右侍郎薛希璉大理寺右少卿張驥訪察貪污官吏逮送京師

遼東都指揮使梁瑄為左軍都督僉事

丁酉寧都知縣周昂廣昌知縣江浩俱為贛州府通判寧都





縣丞田肇為知縣以捕盜撫民也

江西南安妖人羅天師等妄稱彌勒佛謀亂巡撫刑部右侍郎楊寧捕斬之

已亥翰林院侍讀學士張益直內閣  
庚子免山東兗州去年災租萬六千七百二十二石

磔巡按福建御史柴文顯籍其家誅汪澄以文顯鄧匿茂七初警不即聞澄信賊降止軍養患也

辛丑兩淮都轉鹽運使司耿九疇為刑部右侍郎通政司右叅議湯鼎為右通政九疇廉潔嚴正門絕私謁楊士奇過淮

上饌之一雞時浙江按察使軒輅剛介有聲九疇與之齋名嘗坐水旁有童子曰此水雖清不如使君也已坐判官薛華送守支監商于南戶部給鈔姓名占二牘命法司逮治遣王事陳汝言往究汝言奏九疇等受賄重冒支給下法司論罪既察証得釋時鹽運同知義烏葉思銘與九疇同心守法不畏強禦至是並逮上既察釋九疇特擢之思銘亦復官九疇餞而拊之曰無蹶而墮思銘竟為良吏


占城哈密入貢

刑科給事中王復為通政司右叅議

國權

正統十四年

大





是月四川黑苗流劫貴州石阡府城知府盧陵死之婦弟亦被殺事不以聞

六月己酉朔開封蝗

庚戌通政司右通政湯鼎光祿寺丞張如宗往四川運茶八十四萬三千六十斤至陝西西寧河洮市馬靖州等處苗賊流劫辰溪等縣殺都指揮高亮辛亥涼州衛糧儲案牘火逮都指揮陳斌命去日並命並王逃民涂仁用上詩文干進成鉄嶺衛前少保戶部尚書兼武英殿大學士黃淮卒淮字宗豫浙江

永嘉人洪武丁丑進士授中書舍人太宗初召對稱旨入翰林備顧問尋直內閣進編修歷侍讀定儲議甲申以左庶子兼侍讀直東宮丁亥進右春坊大學士輔皇太孫戊子癸巳上北狩再留守為漢庶人所構下獄仁宗初出進通政使兼武英殿大學士內艱起復進少保戶部尚書大學士如故宣宗初致仕外艱賜祭塋入謝賜游西苑贈御製詩癸丑入賀壽留主禮闈廢子采中書舍人淮直亮多才略諳習朝政永樂初止告許停西番僧玉印沮阿魯台之聯女直吐番諸部此其大者年八十三予祭塋謚文簡贈太師





廖道南曰楊文貞所載日錄謂淮忘胡廣解縉再觀省愆  
錄乃知淮之不幸夫一黃淮耳下獄十年家食二十餘年  
杜門掃軌不問國事者三十餘年而同事七人縉既雉羅  
廣亦螽天惟文貞秉鈞文敏謀帷淮之蒙詬其可知也  
壬子甄寧賊林拾得不受撫殺右叅政張瑛擊林拾得不  
利與其子敬死之事聞贈按察使錄一子瑛建德人  
甲寅濟南青州蝗  
乙卯許雲南永平縣中益每引輸三金子金齒糴米  
法司論浙賊陳鑑湖等六十餘人不赦上宥之錮錦衣獄


丙辰靖州告急命都督官聚等分援之  
夜南京大雷雨奉天華蓋謹身等殿災  
己未重定雲南文武官俸初麓川用兵各依品減支  
新寧伯譚璟卒

庚申湖廣貴州等處生熟苗蠻蜂起命靖遠伯王驥調兵十  
萬滅之

夜月犯房宿又大星青白光自牛宿流近濁

壬戌蠲江西吉安南昌臨江水災田租

勅諭兩京文武群臣脩職遂下詔太赦天下



保定河間旱停夏麥改徵救粟

夜大星赤光自氐北流角

甲子勅諭兩京文武群臣省愆脩職

乙丑駙馬都尉兩京文西寧侯宋瑛總督大同軍預戰守

丙寅吏科都給事中孟鑑為戶部右侍郎

己巳詔大赦天下

曉刻大星青白光燭地自昴宿流井後有三小星隨之

辛未大同叅將都督僉事石亨為都督同知

壬申翰林院編修劉定之為侍講國子監助教羅伯初為檢

討仍理監事

申海上通夷之禁

癸酉夜大星如椀赤光流雲中

戊寅命太保成國公朱勇選京營四萬五千人令平鄉伯陳

懷駙馬都尉井源都督耿義毛福壽高禮太監林富率三萬

往大同都督王貴吳克勤率萬五千人往宣各府各備

七月己卯朔遂昌鄭士本楊寶寧檣渠帥華宗演等授副巡檢

大入寇有聲息命各邊將謹備之

熒惑入南斗時侍講徐瑄知天文私語其友劉溥以為不祥

久之不退舍曰禍不遠矣遂命其妻孥南歸

庚辰命給事中翟敬監察御史羅麓等分勞宣府獨石大同  
延安綏德寧夏甘肅偏頭關遼薊永平山海等軍士各一金  
復董增智江西南城知縣

令直隸山西夏麥改荳輸宣大

夜大星光燭地自羽林軍流至濁

壬午苗賊掠入湖廣武岡州及黔陽等縣官軍不援命王驥

杖各將六十

乙酉大理寺少卿沈紱致仕

夜大星青白光自北斗杓流近濁

丁亥河內知縣吳鑑為南陽知府

戊子處州張佑率民兵王應參王金禮等殺賊千餘人擒八

十餘人獲皮甲八百餘授應參金禮巡檢責總兵官徐恭等


玩寇于是御史張洪等劾恭及左右叅將都指揮僉事孫鏜

陶瑾叅贊工部尚書石礪曠歲糜餉福建總兵官左都督劉

聚都督僉事劉得新右僉都御史張楷俱縮朒命還師日按

議之

己丑漳州逃囚陳萬寧鄭利貞郭乾孝鄭本成俱應募殺賊




授副巡檢

卜分道入寇也先寇大同至猫兒庄右叅將吳浩敗沒脫  
不花王寇遼東知院阿刺寇宣府圍赤城又別部寇甘州諸  
將馮城拒守 上議親征

庚寅召商中鹽永平納糧界嶺口劉家口  
壬辰吏部尚書王直率廷臣諫親征曰邊鄙之事自古有之  
惟在守備嚴固 陛下得天之助將士用命可圖必勝不宜  
親御六師以臨塞下况秋暑尚盛旱氣未回青草不豐水泉  
猶澁人畜之用實有未克且車駕既出四方急奏豈能即達

其他利害難保必無以天子至尊而躬履險地臣等至愚以  
為不可 上不聽蓋司禮太監王振從中主之也  
巡按四川監察御史李琮乞停採辦各物料及遣大臣巡撫  
上以巡撫增擾不許

癸巳命郕王祁鈺居守駙馬都尉焦敬輔之太師英國公張  
輔太保成國公朱勇鎮遠侯顧興祖泰寧侯陳瀛恭順侯吳  
克忠駙馬都尉石璟廣寧伯劉安襄城伯李珍脩武伯沈榮  
建平伯高遠永順伯薛綬忠勇伯蔣信左都督梁成右都督  
李忠都督同知王敬都督僉事陳友安朵兒只戶部尚書王



佐兵部尚書鄺埜刑部右侍郎丁鉉工部右侍郎王永和右  
副都御史鄧際通政司右通政龔全左叅議欒惲太常寺  
少卿黃養正戴慶祖王一居大理寺右寺丞蕭維楨太僕寺  
少卿劉容署鴻臚寺事禮部右侍郎楊善左寺丞張翱尚寶  
司少卿凌壽翰林院學士曹鼎張益及諸給事中監察御史  
等官俱扈從


圍馬營三日宣府總兵官都督楊洪告急  
大同總督軍務西寧侯宋瑛總兵官武進伯朱冕左叅將都  
督石等亨值陽和後口敗沒瑛亨奔還大同時太監郭敬

監軍籠制諸將致覆師敬伏草間免後追封瑛鄆國王謚忠  
順冕謚忠愍

甲午遣告廟社發京師親征詔下踰二日即行文武吏卒倉  
卒就道兵科給事中鮑輝當蹕諫曰陛下縱自輕如宗廟  
社稷何王振叱之前軍五萬騎吏卒私屬可五十萬人夕宿  
康家嶺

乙未次龍虎臺軍夜驚

丁酉度居庸關群臣請駐蹕不允風雨連朝六軍患苦文武  
將士皆無紀律



戊戌次榆林站

廣寧右衛指揮僉事趙忠為指揮同知贈妻左氏淑人初忠守備鎮靜堡攻之急左氏曰堡且破吾義不受辱遂同母女皆自經忠力守得全事聞賜祭葬旌其門貞烈已亥次懷來

庚子次雷家站

辛丑至宣府風雨大至羽報益急群臣復交章請駐蹕王振怒俱令掠陳


壬寅次雞鳴山衆皆危懼上素以事付王振威益張公

侯請事膝而前令戶部尚書王佐兵部尚書鄺楚領老營左楚先行振怒蹠之草間至暮方釋欽天監正彭德清曰未可乘也象緯示警脫致踈虞陷乘輿于草莽誰執其咎振怒曰即不幸天也翰林院學士曹鼐曰我輩固不足惜惟有主上事重柰何輕進振終不從必進師我師漸進漸退伏塞外嘗我

癸卯次萬全峪

夜金星犯亢

甲辰次懷安





夜黑雲四塞

乙巳次天城山

丙午次陽和伏屍蔽野衆心為寒

夜半火星犯土星

丁未次聚落驛

是月貴州苗寇攻赤水城都指揮張祥苑之

八月戊申朔至大同日暈終夕

已酉雨益驟鎮守太監敦敬密告王振曰休矣行且墮計

振始懼遂議旋師

庚戌上東還夕宿雙寨有黑雲覆營如蓋須臾大雷電風雨

徹夜驚亂初議入紫荆關王振欲上幸蔚州里第已慮損

稼轉趨宣府

辛亥次滴水崖

壬子次洪州方城

癸丑次白登

夜月犯心宿


甲寅次懷安城西


都指揮使孫安為後軍都督僉事仍鎮守

國權

正統十四年

三





乙卯次萬全峪

丙辰次陽和北沙嶺夜金星入月

丁巳次宣府

鎮守宣府都指揮僉事紀廣為後軍都督僉事仍充右叅將

戊午次宣府東南

己未次雷家站

庚申將發宣府諜報下襲我軍後遂駐蹕恭順侯吳克忠殿

戰敗沒遣太保成國公朱勇永順伯薛綬以四萬人繼往鷄

兔嶺遇伏亦陷初克忠下馬跪射矢盡猶刺殺數十人瑛弟

克儉皆死綬以空拳擊下支解之既知其故山後人相與

哭之曰吾醜也故爾勇天順初追封勇平陰王謚武愍贈克

忠邠國公謚壯勇克勤遵化伯謚僖敏綬謚武毅克忠綬驍

勇善戰勇鬚髯張好禮縉紳善大書然方畧不足也

辛酉次土木驛初每夕必司設太監吳亮擇地駐蹕至是王

振耻失利即止木土絕水掘二尺餘不得其南十五里有河

據之我人馬飢渴下分道自土木旁近麻峪口入馬都指

揮郭懋力拒之終夜下益至

壬戌 上欲行下繞我營不得發 詐退請和 上命曹鼐


國權

正統十四年

亥


草勅許之王振使移營近水陣動四面至官軍大潰奮  
力乘之大呼解甲投兵投兵者免官軍裸而相蹈藉也宿衛  
士受矢如蝟上騎突圍不得出遂坐地陷中太監喜寧  
忠勇伯蔣信從王振等皆死或云護衛將士安州樊以所忠  
捶死振士卒死者數十萬太師英國公張輔泰寧侯陳瀛  
駙馬都尉井源平鄉伯陳懷襄城伯李珍遂安伯陳瑄脩武  
伯沈榮都督梁成王貴戶部尚書王佐兵部尚書鄺埜吏部  
左侍郎曹鼐刑部右侍郎丁鉉工部右侍郎王永和右副都  
御史鄧綬翰林侍讀學士張益通政司左通政龔全安太常

寺少卿黃養正戴慶祖王一居太僕寺少卿劉客尚寶司少  
卿給事中包良佐姚銑鮑輝中書舍人俞拱潘澄錢昂監察  
御史張洪黃常魏貞夏誠申佑尹竝章存德孫慶林祥鳳郎  
中齊洋馮學明雷潛負外郎王健程思溫程式遠端主事陳  
銑周傑俞鑑張鏗鄭瑄大理寺左寺副馬豫光祿寺署丞鄧  
鑑行人司正尹昌行人羅如墉欽天監夏官正劉信序班李  
恭石玉等皆死焉張輔字文弼父玉河間忠武王靖難元臣  
也輔以蔚州衛指揮僉事同知嗣都指揮同知永樂初封信  
安伯已進新城侯五年平交趾封英國公自後再總兵擒餘




寇簡定陳季擴鎮守交趾已召還洪熙初拜太師器度弘偉  
端重靜默承平二十餘年名震四夷王振雖橫唯輔抗禮遠  
權勢守謙約然勛戚之重方議北狩不力陳利害及行間危  
急不痛折兇敵分兵拒敵論者惜之年七十五賜祭塋追封  
定興王謚忠烈陳寧追封寧國公謚忠愍井源父申大理寺  
評事尚嘉興大長公主追封鉅鹿侯謚榮愍陳懷父甄真定  
副千戶嗣職進通州正千戶從靖難歷遼東都指揮僉事後  
征安南進山西都指揮使尋充叅將鎮守寧夏洪熙初進右  
軍都督同知宣德丁未充總兵官征松潘番進左都督鎮守

四川正統甲子領兵出古北口虎頭山捕斬首功封懷嗜書  
雖老不釋追封平鄉侯謚忠毅李珍贈襄城侯謚悼僖陳壘  
贈遂安侯謚榮懷沈榮贈脩武侯謚僖愍梁成贈任邱伯謚  
壯勇王貴歷都指都揮使永樂末進右都督僉事鎮守肅州  
正統初進都督同知又明年召入朝贈阜城伯謚武僖王佐  
永樂中授吏科給事中宣德初進戶部右侍郎往陝西經理  
糧儲疏言軍衛倉弊百端請改隸有司天下稱便已鎮守河  
南民安盜息未几召回提督京倉久之進尚書寬厚坦夷不  
沽名伐技勤于學問在官節省調劑雖無赫赫名而政未嘗



不舉景泰中贈少保謚忠簡鄺楚字孟質永樂辛卯進士授  
御史使南京遼東稱旨擢陝西按察副使賑飢雪枉庚戌憂  
去除喪宣德間進應天府尹多所興革正統初拜兵部左侍  
郎進尚書從蹕墮馬或勸留懷安城就醫不從及旋師楚請  
疾驅入閔嚴兵為殿振怒曰豈儒安知兵事叱出之明日師  
覆性謹畏節儉居官四十年終始無日不廛職為念年六十  
五贈少保謚忠肅曹萬鍾字萬鍾宣德丁未貢士乙榜辭學職  
授泰和典史癸丑廷試第一授翰林脩撰正統初直經筵侍  
講五年直文淵閣九年進翰林學士十年進吏部左侍郎仍


兼學士疏敏俊爽識達政體被上眷注楊士奇卒後大事皆  
決于萬其才亦大類士奇贈榮祿大夫少傅吏部尚書文淵  
閣大學士謚文襄天順初加贈太傅謚文忠丁鉉字用濟乙  
未進士授太常博士歷工部刑部員外郎尋署刑部郎中有  
聲正統三年進刑部侍郎姿貌潔白恂、寡言退然若無能  
及任事綽有餘地嘗承命賑飢江淮暨山東河南撫循勞來  
出于至誠大發倉廩悉停不急民氣勃然賜祭贈尚書謚襄  
愍王永和字用節永樂甲午貢士授嚴州訓導擢兵科給事  
中劾都督王彧縱、薊州不避權勢以都給事中擢工部右



侍郎撫監淮右治水徐州鑿呂梁疏河流賜祭贈尚書謚襄  
敏鄧祭字孟擴永樂進士授御士按蘇松諸郡用寬平治以  
父老乞留再歲憂去乙卯進陝西按察使十年不携家兵民  
安堵遷右副都御史及上蒙塵從者請祭脫去祭叱之曰鑿  
輿不返何面目見人遂下深入死之贈資善大夫右都御史  
謚襄敏張益字士謙七歲而孤母倪氏課督即勵學年十九  
永樂乙未進士選庶吉士善楷書改中書舍人進大理寺左  
評事仍直翰林正統戊午遷脩撰進侍讀學士知制誥直閣  
益為文立就軍中書符勅皆其草初與夏景同寫竹景善益


文為輟筆景圖竹稱絕益亦絕不為也天順初贈翰林學士  
謚文僖龔全安進士授工科給事中進通政司右叅議歷左  
通政使黃養正善書薦中書舍人歷太常少卿文淵閣供奉  
贈太常寺卿戴慶祖王一居俱樂舞生授太常寺贊禮郎歷  
太常少卿贈寺卿取惟貴細者數日不能盡餘棄之下騎  
才二萬也

癸亥 上之臨下也南面坐地一下來脫 上衣 上不受  
下怒欲兵 上一下詰之曰此非常人與見賽罕王 上見  
賽罕王曰子也先乎子伯顏帖木兒乎子賽罕王乎子大同



王乎伯顏帖木兒賽罕王大同王皆七先諸弟也賽罕王驚  
馳告七先曰今得一人問我那顏名字問我等名姓寧大明  
皇帝耶那顏華言君也主也七先曰安在遣前貢使往視之  
曰大明皇帝也七先問諸酋若何處之有乃公曰明我仇也  
天賜那顏其可違乎伯顏帖木兒怒搏乃公頰曰大明皇帝  
天人也天偶怒焉推而棄之地下然戰時不億人馬或刃或  
矢或踐壓明皇帝獨否我等受漢德深厚何可反天耶那顏  
若遣使告明朝來迎則歸之耳亦萬世下之美名也諸酋皆  
是之七先顧伯顏帖木兒曰汝善事大明皇帝遂居其營次

雷家站錦衣校尉袁彬見上以能書留侍是日命彬作書  
使千戶梁貴偕使一人回京取九龍蟒段及珍珠六粒黃  
金二百金銀四百金賜七先又書云懷來守將以金帛犒  
時京師戒嚴羸馬疲卒不滿十萬人心洶、群哭聚哭于朝  
議戰議守未決翰林侍講徐珵曉天文好談兵倡南遷禮部  
尚書胡濙曰文皇帝定鼎于此示子孫不拔也而尚可遷  
乎刑部侍郎江淵曰當固守兵部侍郎于謙曰言遷者可斬  
速召勤王兵死守之學士陳循曰于侍郎眾皆是皇太  
后禁中疑懼因問太監李永昌對曰是也陵廟宮闕在此倉




廩府庫百官萬姓在此南遷大事去矣且陛下不聞宋靖  
康乎因述靖康事 皇太后悟自是中外始有固志天下臣  
民聞北狩痛恨號哭河州衛軍周教痛甚七日不食而死子  
路為諸生聞之不易儒衣憤奔至家觸庭槐亦死  
甲子也先奉 上宣府城南鎮守總兵官昌平伯楊洪先避  
去 上命紀廣朱謙羅亨信等開門登陴遙對曰天暮矣所  
守者 陛下城池也 上涉河北袁彬控馬夜大雷雨震死  
也先所乘馬 衆皆驚為玄彬出窺視赤光覆帳 大駭異時  
有他志而寢詰朝也先頓首帳前進熟餽皮服寢具 上遣

太監喜寧同通事岳謙至京師徵金銀綵幣

乙丑 皇太后命郕王祁鈺攝總百官

丁卯召石亨為後府右都督領大營駙馬都尉焦敬領神機  
營忻城伯趙榮領三千營

戶科給事中李侃言三事曰精選吏卒智勇者擢步將騎將  
隨長取用曰遣官于畿內山東河南山西陝西募兵郡各五  
千人練之簡二千人赴京曰徵京城千輛列陣承以步騎內  
藏神銃每輛車派五人用力乘間馳擊苗賊 王下部行之  
守備懷來署都指揮僉事康能及懷來隆慶龍門衛指揮易






謙等各棄城遁鎮守居庸關都指揮僉事孫斌以聞王宥其罪責協斌守脩

東南天鳴有聲

戊辰下二千餘人擁上大同城下索賂守將都督僉事郭登閉門不內曰下詒我耳上曰傳語郭登與朕姻連何得便爾外朕若此登遣奏曰奉命守城不敢啟閉竟不出袁彬持駕牌觸門而呼大同人縋之廣寧伯劉安出見上曰卿勿疑汝主也安乃伏哭隨下二十餘人上令通事來安入城袁彬出伯顏帖木兒求賞少頃郭登同右侍郎沈固給事

中孫祥知府霍等出見伏哭上曰將驕卒惰朕為所悞瑄復何言爾奏報皇太后朕下中亡恙也先欲送還使來厚賞之遲之益深入矣問庫藏若干登曰十四萬金命取二萬二千金以二千賜也先五千賜伯顏帖木兒若賽罕大同王餘以與下眾

郟王諭文武諸王曰國家為政莫急于聽言用人人臣為國莫先于輸忠薦士爾等國之股肱耳目凡有治國安民除邪輔正禦災捍患備賊方略並許直言毋隱毋徒事虛文古人有曰忠厚者舉老成之人正直者舉廉能之士凡智勇廉能




詘在下僚不得展布其蘊並許舉薦擢用毋曰為親故書曰  
舉能其官惟爾之能稱匪其人惟爾不任欽哉

兵部左侍郎于謙為尚書大理寺卿俞士悅為都察院右都  
御史仍署寺事通政司右叅議鄒來學為右僉都御史叅贊  
應城伯孫傑等軍務山西右布政楊鼎左叅政朱鑑為左右  
布政使于謙入對慷慨泣曰卜得志挾我大駕勢必長驅  
而南今六軍實耗武庫兵器盡矣司馬宜亟分道募兵及留  
漕卒自益司空宜併日而蒐乘繕械九門要地宜令都督孫  
鏜衛穎雷通張軌等分守之都御史楊善給事中王鈇等叅

馬凡兵皆出營郭外毋令避而示弱郭外之民皆徙入內安  
堵毋令失所而囂通州倉欲守之或不能委以與卜則可惜  
宜令官軍皆給一歲祿俸聽其自運仍以贏米為之直卜所  
急者草諸廠宜亦聽軍稱力取之不盡則焚之毋以飽卜馬  
石亨楊洪宥前罪與安遠侯柳為大帥而身總其機宜進溥  
止不效則治臣罪以謝天下從之


已巳 郟王遣告廟社

上遣袁彬入大同城索賞武進伯朱冕西寧侯宋瑛太監郭  
敬括家貲蟒服并諸指揮千百戶出衣幣分犒置酒大勞



上召郭登諭固守刈秋稼毋資卜慎警報卜不足信也是夕  
上駐城西二十里初登盟壯士七十餘人曰餉卜奪弓刀輦  
上過石佛寺乘間迎入密語袁彬以聞 上曰我命在天勿  
蹈危  
皇太后詔曰近因卜寇犯邊毒害生靈 皇帝恐禍連宗社  
不得已躬率六師征正其罪不意被留卜廷尚念臣民不可  
無主茲立卜皇長子見深為皇太子命郕王為輔代總理國  
政嗚呼國必有君而社稷為之安君必有儲而臣民有所  
布告天下咸使聞知

郕王御午門之左都察院左都御史陳鑑率諸臣廷啟王振  
罪 王曰待取旨百官趨進伏地不起曰王振罪不容誅  
殿下不即正典刑族滅之臣等今日皆死此廷中痛哭呼號  
不辨人聲郕府長史儀銘膝行前錦衣衛同知馬順叱指揮  
退之戶科給事中王竑起直前搏順曰是非奸人黨耶衆爭  
擊之或脫順韡捶眼洒血于廷立死朝班大譁衛士皆泣  
王環視屢起尚書于謙直上攬 王衣曰止止振罪首不籍  
無以泄衆怒忿氣且群心社稷耳無它 王曰可竟入將闔  
門百官隨之太監金英傳令且退衆欲梓英卜懼即傳令曰



許籍王振家矣尚何言百官曰猶有長隨毛貴王亦振黨  
請付外王令出二人門隙中又捶死之頃之衆執振姪錦  
衣指揮山至相戒勿捶使伏法王命縛山赴都市磔之遣  
左都御史陳鑑籍振家族屬無少長皆斬振宅在京城內外  
數區重堂邃閣擬于宸居器服綺麗上方不逮玉盤二十俱  
徑尺珊瑚高六七尺金銀以庫計六十有餘王諭群臣  
且散謙後徐行衣盡裂吏部尚書王直執謙手歎曰朝正  
藉公耳百王直何能為百官請籍馬請順毛貴王家宥之曳  
三屍棄東安門外道上軍民爭擊之衛士汲水滌廷中血像

銘曰毋其影可以鑑

太陰晝見光如日

卜擁上出塞至威寧海

夜月犯五諸侯

上次九千山

夜西南天鳴有聲

上次柳源縣


夜東方天鳴有聲


上次黑河

國權

正統十四年

三七





丙子群臣疏請 皇太后國有長君社稷之福宜立 郕王  
為皇帝允之命具儀卜日 郕王駭謝群臣固請 王厲聲  
曰有東宮在卿等敢亂法耶群臣止不敢言已述 皇太后  
意兵部尚書于謙颺言曰臣等為社稷非私也願從眾弘濟  
艱難 王始受命

上次八寶山


辰刻金星見張宿

貴州龍里衛湖廣沅州衛武岡州四川播州等苗俱叛攻圍  
郡縣征南總兵官都督宮聚告急乞京五千達軍一千原京


征麓川官軍十萬協勦乃命四川湖廣增運糧儲下廷議  
琉球入貢







國家圖書館 NATIONAL CENTRAL LIBRARY, TAIWAN, R.O.C.











國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





3393401 v.18

國家圖書館, NATIONAL CENTRAL LIBRARY, TAIWAN, R.O.C.





國權

代宗符天建道恭仁康定隆文布武顯德宗孝景皇帝

御名 祁鈺

天順元年正月降邲王成化十一年尊謚恭定康仁景皇帝  
崇禎十七年七月戊子詔上尊謚符天建道恭仁康定隆文  
布武顯德宗孝景皇帝廟號代宗 景皇后號  
謚曰孝淵肅懿貞惠安和輔天恭聖景皇后

九月戊寅朔 上在漠北居伯顏帖木兒營時見異兆 不敢

加害伯顏帖木兒與七先事 上甚恭也先曰中國別立皇

帝終不使皇帝還也我皇立皇帝為皇帝帝之大都以南則

設宴進馬慶

國權


正統十四年

一

國家圖書館, NATIONAL CENTRAL LIBRARY, TAIWAN, R.O.C.



隨官設遷孺木著



吏科都給事中章瑾為禮部右侍郎兵部郎中項文曜刑部  
郎中李棠各為右侍郎大理寺右評事李茂為右寺丞  
都指揮僉事張軌為都督僉事專領護駕將軍

提督居庸關兵部員外郎羅通上言鄧艾取蜀、人却守成  
都備艾劉裕取秦、人却守潼關倫裕及艾從劍閣緣崖躋  
攀而入王鎮惡乘舟溯渭至咸陽秦蜀已破而秦都潼關守  
攀者猶未之知臣所障地京師後門一或失守、入旦夕耳  
臣徧閱扼塞有口可通人馬者七十所通人不通馬者百三  
十所須多方設備京師乃固又當使大臣總督軍務其權始

重命進通兵部郎中

召都指揮僉事孫鏜

巡撫大同宣府右副都御史羅亨信言守備赤城堡指揮鄭  
謙徐福鵬鷄堡指揮姚瑄聞警棄城致懷來永寧等衛倣之  
宜正其罪從之

許鴻臚寺序班交趾阮宗琦練標牌槍弩自效  
逮荆紫關都指揮僉事左能以棄關先遁也


己卯曉刻木星犯進賢星

庚辰瓦剌七先遣納哈出等入奏

國權

正統十四年

二





翰林院侍講杜寧為南京禮部右侍郎習嘉言為太常寺左少卿大理寺右寺丞蕭維楨翰林院脩撰許彬等為大理寺左右少卿

山西歲運宣大糧價銀布以道梗暫停布政司


許琉球使臣蔡寧等以賜絹易蘇州紗羅紗紵絲

巡按直隸監察御史錢清言臨清四閘被河患上下舡皆失利州南可濬撞圈灣河令各舡自此達衛下從管河主事黃瓚等議

昏刺金星犯天江

辛巳守備居庸關都督僉事孫安鎮守山西錦衣衛指揮同知岳謙為都指揮僉事千戶梁貴為指揮僉事以屢使瓦剌也  
吏部聽選知事<sub>縣</sub>蔣忠乞贈謚故翰林侍讀劉球徵致仕左副都御史吳訥從之

壬午瓦剌納哈出口 郟王致書脫可汗曰往通使可汗期保太平近因讒構動兵天道惡殺當好和如舊金百銀二百東珍七珍珠百織金九龍紵絲五織金蟒龍紵絲五織金胸背紵絲十渾金織花紵絲五素紵絲二十并琵琶箏器至



可領也諭賜也先亦如之

令巡按御史二年受代事平如舊


王振餘黨僧錄司右覺義龔然勝道錄右玄義王道宏錦司  
衣衛鎮撫周銓等被劾宥之然勝道宏降僧道銓降總旗

大同總兵官廣寧伯劉安入朝被劾下獄

巡撫山西右副都御史朱鑑上言 聖駕被留 廷傾血刺  
心籲天、高叩地、厚夫千金之子坐不垂堂况 皇上生


長深宮遠行不過天壽山近行不過海子裡何至舍唐虞三  
代之聖謨蹈懷愍徽欽之覆轍輕為孤注親屈萬乘是何奸

邪竊弄坐蹈危機夫既往難追方來當謹臣恐 寇奸說百  
端去而復來取而復索節據剽掠殺 動數十萬却以請和  
結親為名夫結親不已必索歲幣索幣不已必欲分疆以國  
家有限之物充醜無已之求若不整兵報復殆見生靈不安  
兵法曾有云千里趨利者蹶上軍將百里軍半至今彼寇數  
千里趨利兵將不蹶我軍以佚待勞反蹶上將軍豈無故哉  
以賞罰得專其權號令得行其志父子相救兄弟相援所 被  
掠之物皆歸私室我以賞罰必聞朝廷號令皆制監軍將佐  
不和士卒無恩有所得物必解公家今以結為由遣使來 親



京一則覘我虛實以報彼首以一則通我達軍以圖內應既假送駕為名姑得開關迎接我欲出兵抗拒彼則指駕為詞其謀既深我慮宜遠宜亟擇將練兵暫停中貴監軍假以生殺賞罰重整散漫之兵復募壯勇之士聲奸邪之積發太倉之陳重懸賞格厚酬爵祿惟圖功成勿惜國費給賞我軍勝餽外寇再徵勤王之兵名為復仇之舉指日尅期夾攻並進也先如果送駕結好實未可喜虛愈當防宜使收歸胡黨招回游騎令我軍民出作入息令我牛羊朝放暮還省去人馬斂止甲兵單人單騎以來送駕仍令驍將擁兵居庸以慎

防守暫且苟安于今日再行整計于來年又臣竊見太監王振毒亂天下震驚神器自江南草寇生發皆以誅振為名自侍講劉球之死中外以殺諫官為諱古云事歸朝廷則治官官則亡史冊所載理必不誣為屬之階莫甚于此經曰開國承家小人勿用傳曰小人之使為國家災害並至誠哉是言是言可不慎與高皇帝與群臣議事必屏去左右恐泄事機有妨國政書曰監于先王成憲其永無愆書曰儀式刑文王之典日靖四方伏望聖母陛下廊王殿下念祖宗開創之勞將相披卧之苦置此多方欲傳萬世張主維持急




立儲君選智勇託忠義開直言杜權勢軍國重事委重大臣  
早草內侍之權再造中興之業剖雪前耻以圖後功  
南京翰林院侍講學士周叙上安邦謹始八事勵剛明親經  
史脩軍政選賢才安民心廣言路謹微漸脩庶政 郟王嘉  
納之

夜再天鳴

癸未 上在漠北 郟王即皇帝位遙尊 上為太上皇帝

詔曰朕以 皇考宣宗章皇帝仲子奉藩京師比寇犯邊大  
兄皇帝恐禍延宗社不得已親征勅躬躬率百官若守不幸

車駕悞陷 廷我 聖母皇太后務慰臣民之望已立 皇  
庶長子見深為皇太子令眇躬輔代總國政皇親公侯伯暨  
在廷文武群臣軍民耆老四夷朝使復以天位久虛神器無  
主人心皇 莫之底定合辭上請早定大計 皇太后以太  
子幼冲未遽理萬幾移命眇躬君臨天下會有還自 中口  
宣大兄皇帝詔旨宗廟之禮不可久曠朕弟惟郟王年長且  
賢其令繼統奉祀顧痛恨之方殷豈遵承之遽忍雖避讓再  
三而俞允莫獲仰惟付託之至重敢以涼薄而遽辭已九月  
六日祇告天地宗廟社稷即皇帝位遣使詣 問安上 大



兄皇帝尊號太上皇帝徐圖迎復為政之道必先正始其以  
明年為景泰元年大赦天下咸與維新一切合行事宜條示  
于後云。嗚呼惟敬仁誠可以安宗社惟恭儉勤可以惠萬  
萬民尚賴宗室協心藩屏暨中外文武賢臣同德匡輔弘濟重  
大之艱永隆雍熙之治

廣西道監察御史鄧縣李著上啟爭其不可自稱下官 上  
曰御史醉耶對曰下官正言被殺由監由生天順初賜祭著  
葬初家人殺葬之柩不可遷及諭祭乃可遷  
遣內臣奉叔祖岷王梗書致三百金絳絲紗羅各十錦五鈔

二萬貫

甲申順天府丞夏銜為太僕寺卿中書舍人陳學王謙蔣宏  
徐瑛俱為翰林院編修仍內閣供奉

召遼東都指揮范廣山東都指揮僉事韓青往備紫荆關  
減四川運茶之半

乙酉勅定州衛安置廣義伯吳玘指揮使王貴誠吳瑛約束  
達軍進貴都指揮僉事


塞鴈門關支徑

三萬餘騎犯遼東破驛堡屯庄八十擄萬二千二百八十

國權

正統十四年

七



餘人馬六千餘牛羊二萬餘提督軍務左都御史王翱總兵  
官都督曹義俱奪俸半年

守備永寧衛奉御阮葵以棄城謫南苑種菜

夜月犯壘壁陣西星

丙戌邸府左長史儀銘為禮部左侍郎

作兵仗戰車增工部官負外郎張忠為郎中通判韓鐸張亨

副兵馬指揮張遜按察司經歷陳信知縣邱繼任忠吳復俱

為主事

趙王瞻塢求領軍迎蹕 上書止之

鎮守大同太監郭敬下獄初敬厚王振歲甕藏鉄箭遺也先

受其輅至是潛回京罪之

兵部言山西按察僉文政奏下出沒馬邑縣甚衆指揮事黃

石彪領三千騎自代州外逐都指揮孔旺等領三千騎自鴈

門內勦宜促彪旺亟合兵協力從之

鎮守山西都督僉事孫安言昨戌親征成龍門衛進士張鑑

奏駐蹕宣府但遣將逐下設用其言詎有今日之禍命召鑑


試百戶赴楊洪行營

福建各衛闕伍令罪人捕之

國權

正統十四年

八




昏刺木星犯房宿

戊子邸府審理俞綱為太僕寺少卿伴讀章文為太常寺丞  
俞山為鴻臚寺左寺丞  
府軍為指揮僉事石彪為指揮同知  
吏部聽選知縣單宇請草太監軍不聽

國子監生姚顯上言朝廷脩大興隆寺侈極壯麗又崇國事  
楊禪師尊為上師儀從同自王者自此天災屢見胡犯邊  
太上皇帝被留廷國師僧眾設笑自若宜令上師前往  
廷化諭也先送駕還京庶見佛力不然則佛不足敬明矣

今後再不宜崇尚寶萬代之法  
上是之顯貢士歷齊東武  
城知縣嘗與咸寧李錦交砥互礪俱成名士錦終松江同知  
設遷曰關中馮從吾紀景泰五年四月  
上初幸大興隆福  
寺姚顯言王振脩大興隆寺車駕不時臨幸佛本夷狄信  
佛得禍梁武帝足鑒攷史無建隆福之事以初年脩大興  
隆寺悞移之耳  
已丑裁邸府長史司  
禮部以皇上嗣位改元宜天下文武正官俱十二月終赴  
京上曰天下多事其免之



作戰車千輛

秦府宜川王志堦薨

提督居庸關巡撫守都指揮同知楊俊奉命拾土木遺器得  
盛六千有奇甲五千八十有奇神槍一萬一千有奇神銃六  
百有奇

夜月犯外屏

庚寅四川鞏昌知府韓福為右僉都御史叅贊寧夏軍務

免夏縣災租

令總兵邊報下巡按御史按察司核奏

宣府總兵昌平伯楊洪拾土木遺器得盛三百八百有奇甲  
百二十圍牌二百九十神銃二萬二千有奇神箭四十四萬  
炮八百

處州賊受撫命總兵官都指揮僉事徐恭等班師

高岱曰張楷初奉命討閩賊耳處賊道梗以守臣言移師

討之未為不當但楷本非封疆之臣而值茲習坎之難至

陳榮死楷不暇顧輒棄去入閩蓋几于進退失據矣及閩


寇平還師討處入境一戰乘勝而捷至不得已而得招撫

之策使屢遷而不以為竇寇屢叛而不以為嫌指老母百

國權

正統十四年

十





口與之誓而不以為辱國體其亦少損哉雖然幸楛之至也使鄧寇更數月不下楛不得還師入處浙之存亡未可知也

命都督同知毛福壽為左軍左都督都督僉事高禮為都督同知

辛卯真定衛指揮僉事孫昇邀于倒馬關死之時寇闕欲向龍泉關西去昇擊之踰舊嶺卒值陣沒

壬辰勅宣府總兵官昌平伯楊洪等戒以卡假備太上皇到塞脅關毋墮其計

大同副總兵都督同知郭登為征西前將軍總兵官仍鎮守

大同

癸巳浙江按察使軒輓為右副都御史鎮守鎮江


錦衣衛指揮使李鑑為署都指揮僉事往貴州勦賊

都指揮僉事李鐸以皇太后貂裘等詣太上皇漠北報

郟王即位及立皇太子上皇聞之喜

上奉皇斷頭山下故得賞賜有德中國之心其送上

皇也第欲得漢物無他意中國慮點不敢信既知扣諸關無所入乃奉駕以北上皇在難無阻怯之容隱處幄居時



時見徵表也先故益恭謹而我雖不納下衆往來遣使亦不絕也

甲午勅諭文武群臣務秉公廉恪勤乃職民間一應軍需造作及所輸錢糧布帛紙札藥材解送軍囚即時收遣毋勒索需滯

諭祭土木陣設官軍并瘞其骸

起復南京大理寺卿陳勉


都指揮僉事孫鏜為左軍都督僉事仍三千營把總直宿衛

召廣西總兵官安遠侯柳溥

左軍都督毛福壽往雲南勦寇請選東昌平山德州河間等衛胡騎從征從之都指揮使克俄羅領占為都督僉事餘各進一級

大理寺右少卿張驥卒于富陽驥字仲德安化人由貢士授御史正統辛酉清獄福建釋寬几千人壬戌署大理寺事尋進右寺丞乙丑巡撫山東拯災蠲逋復設曹州便民還進右少卿又巡撫山東淮揚戊辰南征鎮守浙江事平召還剛毅有才尤廉慎足稱也

乙丑廣東總兵官張安福都指揮僉事王清援廣州值賊于




舡澳安醉臥舟中官兵不能支潰于沙角安溺死清被執使  
跪呼廣沙門千戶錢惠登埤言之賊移清蹠他所呼如前惠  
射之賊遂殺清賊初無器械至是得火槍等器熾甚  
賜南京守備及各鎮守總兵等金幣  
丙申工科給事中張敏為工部右侍郎翰林院侍講劉鉉為  
侍講學士

右副都御史曹翼致仕

都指揮同知田真為都督僉事征蠻將軍總兵官都指揮僉  
事武毅為都指揮使充叅將鎮守廣西

許京衛優給優養官回原籍支俸其留京者俸折銀布罷遣  
醫士厨役天文生老曠者減幼軍力士等月餉  
通事指揮李讓以女許乜先弟大同王子受乜先馬四匹俾  
婦二人納各城指揮姓名又假 上皇命大同總兵官都督  
同知郭登見乜先且割地登留讓以聞右副都御史朱鑑奏  
乜先授讓知院鎮守大同讓導乜先矯 上皇勅責 皇上  
篡立下兵部議誅之或激變徵之或奔竄宜登密處從之  
曉刺月犯五車

丁酉都指揮僉事徐恭為右都督僉事專理漕運都督同知



武興領機神營

命京邊署職都指揮以上俱實授

吏部聽選知縣單宇請折寺觀木石改造軍衛銷其銅鉄備  
兵伏遣僧尼還俗下禮部議

戊戌廣西右布政司右叅政謝澤為通政使提督守備白羊  
口起復山東按察僉事何自學

吏部郎中李秉往鳳陽淮安廬揚徐和提督糧儲赴京

南海盜黃蕭養作亂命廣東三司捕之蕭養貌寢而眇多智  
略劫敗下都司獄踰歲所卧竹床漸青至萌葉同獄某異之

教以兵遂藏斧燔鷲中夜破械出眾囚劫軍器局得兵伏奪  
門招集亡命屯南海之潘村


已亥停各處清軍御史

領三千營忻城伯趙榮怠玩下獄都督僉事孫鏜代之

上皇北行

庚子起復監察御史蔡愈濟等給事中路璧等左布政使吳  
揚左叅政董和右叅政高峻右叅議秦岳趙紳趙忠按察使  
李彛僉事彭貫

罷獨石守備都指揮楊俊



通州把總都指揮僉事陳信鎮守通州提調武清等衛

辛丑勅邊將募壯士更衣甲旗幟異舊制恐溷于

兵科給事中孫祥兵部郎中羅通俱為右副都御史通守居

庸閔祥守紫荆關

翰林院編修陳文為侍講檢討李紹為脩撰

都指揮使昌英為後軍都督僉事都指揮僉事衛穎韓青為

都指揮同知

進士王汝霖為吏科給事中

錦衣衛小旗陳喜同還自瓦剌言脫不花王以萬人犯廣

回野豬口約太師也先知院阿剌知院納來攻京師授喜同

百戶

宣府總兵官昌平伯楊洪言都指揮李鐸報也先薄我賞云

送駕入京須文武大臣出迎不日至大同

曉刺月犯太微垣上將星

壬寅都督僉事陳友為都督同知選南京兵千人赴靖遠伯

王驥行營


福建都指揮僉事鄧安失事謫柳州衛中千戶所鎮撫

都指揮僉事衛穎范廣為署後軍都督僉事

國權

正統十四年

五



瓦刺使臣納哈出等來朝

各道監察御史秦顥等言五事合眾善以理萬幾選大臣以  
總邊務號嚴令以作士氣別奸忠以振士風用直言以圖實  
效從之

南京刑部獄逸

夜金土火星集于翼宿曉刻火星犯太微垣左執法

癸卯戶部右侍郎益鑑巡撫廣東

金吾右衛指揮僉事李鐸為都指揮同知錦衣衛千戶梁泰  
為指揮僉事各賜鈔幣

留都督僉事劉得新鎮守處州尋進都督同知

通政司左通政呂爰正致仕

甲辰戶部主事陳汝言宣諭東昌平山德州河間瀋陽中屯

大同中屯各衛降胡官軍民各二金布二疋

監察御史白圭李賓夏裕及翰林院侍講徐珪編脩楊昂檢

討王玉郎中謝佑陳金主事王偉姚龍給事中金達王庾知

州陳誠訓庭訓蘇璟俱行在監察御史往直隸山東山西河

南募兵訓練

起王軍中軍都督僉事提督守備九門


故成山侯削爵

都指揮同知

國權

正統十四年

共



劉信為署後軍都督僉事

後軍都督同知陳友率官軍往湖廣貴州征苗

調京軍二千人守古北口五千人守紫荆關

禮部右侍郎章瑾被劾下獄降

南京右副都御史張純言十三事迎復聖駕開廣言路分兵

耀武考察文官激勸武職禁革貪弊弭除盜賊拔擢舊臣選

任風憲旁求豪傑增祿養廉斟酌漕運練將訓兵 上從之

曉刻月與金星同度

乙巳都指揮同知李鐸為都指揮使起居 太上皇后即位

及立皇太子 上奉 太上皇書 若送駕來可五七騎擁

衆大入則不敢許 大兄還居天位無所不可但恐降尊就

卑他日非所以正名又致書七先七先曰明立皇帝矣終無

和意復往迫擾令彼南遷取我故元大都亦善乎

鎮守居庸關都指揮同知趙玫請運近地糧草入關其遠者

焚之勿資寇從之

丙午選調四千兵一萬雲南兵二萬赴貴州援時苗圍平越


衛久矣

錄王振罪榜天下

國權

正統十四年

七



命採毒藥傳矢從太醫院醫士程禮之言

黃蕭養等寇廣州廣東布政司左叅議楊信民時守白羊口

命同鎮守雷廉安鄉伯張安備倭都指揮杜信等勦之

鎮守山海永平總兵官應城伯孫傑免指揮同知宗勝為後

軍都督僉事代之

慶王秩燿乞徙鳳翔不許

作劫營信牌給武清侯石亨募壯士一千人伏于居庸關之

西山俟

十月戊申朔 上皇在漠北

詔赦福建浙江湖廣廣東貴州遺賊

張大同軍民

上皇至大同東門也先遣得知院及太監喜寧通事

指揮岳謙稱還蹕謙密言其狡大同知府霍瑄自水竇出謁

獻鵝酒 上皇密曰汝第與郭登固守毋開門

已酉吏部右侍郎曹義為左侍郎

署鴻臚寺事禮部右侍郎楊善改右副都御史同都督王通

提督守備京城

廣東布政司左叅議楊信民為左僉都御史勦廣東賊

國權

正統十四年

六

